


ALERTA

MONITORIZASAUN ONG Belun BA INSIDENTE HO VIOLÉNSIA HASORU FETO NO LABARIK FETO (Dili, 10 Setembru 2018)

Feto nafatin sai vulneravel ba violénsia ho meius oi-oin iha comunidade

Bazeia ba rezultadu monitorizasaun Belun liu husi nia Sistema Atensaun no Responde Sedu (AtReS) rekolla insidente violénsia hasoru feto hamutuk 101 husi total 342 ka (29.53%) iha Juñu-Agostu 2018. Númeru nee konsidera aumenta no dobru dala 3 kompara ho númeru average ka rata-rata 37.7 kada periodu iha periodu 3 liu ba (Dez 17-Jan 18 iha 38, Fev-Mar 18 iha 45, Abr-Mai 18 iha 35, Jun-Jul 18 iha 83, Aug 18 iha 18). Insidente violénsia hasoru feto husi fulan Dezembru 2017 too Agostu 2018 hamutuk 219 ka 36% ho maioria Perpetradór mai husi mane. Husi insidente violénsia sira ne'e, tipu violénsia ne'ebé hasoru feto mak hanesan:

- 1) Violénsia Dómestika
- 2) Violénsia públiku
- 3) Tentativa violasaun/Abuzu Seksuál
- 4) Abandona feen ho Oan
- 5) Violasaun seksual
- 6) Estraga Oan
- 7) Feto hetan ameasa husi laen



Rekomendasaun Xavi no Asaun Imediatu

Tuir dadus monitorizasaun AtReS, feto nafatin sai vulneravel ba violénsia ho meius oi-oin iha comunidade. Tanba nee ONG Belun rekomenda:

Komunidade Timor-Leste tomak, liuliu ba joven mane sira atu

- Respeita feto hanesan ita nia án rasik, eguál no laiha diskriminasaun;
- Fó apoiu no korajen ba ema ne'ebé hetan violénsia kolabora ho organizasaun relevante hanesan:

¹Sistema Atensaun no Responde Sedu (AtReS) kobre iha postu administrativu 31 iha munisipiu 9 inklui RAEOA no monitorizadór hamutuk na'in 31 (Feto 8 no Mane 23) iha baze. Monitorizadór na'in 1 kada Postu Administrativu. Iha Dezembru 2017, Belun-AtReS liu husi Programa Feto Pas no Seguransa hahú rekolla insidente violénsia hasoru feto ne'ebé iha periodu anterior insidente violénsia hasoru feto la inklui



- o Ministériu Solidariedade Sosiál no Inklusivu
- o Rede Feto
- o Fundasaun Alola
- o FOKUPERS
- o Casa Vida
- o Unidade Polísia ba ema Vulneravel ka VPU
- o JSMP
- o Pradet
- o ALFeLa

SEII (Sekretáriu Estadu Igualdade e Inkluziun) atu:

- ● Halo Advokasia ba prevensaun violénsia kontra feto iha Timor-Leste, liu husi Alerta sedu, no koordena ho Instituisaun relevantes nomos kria diskusaun entre parseiru sira lii-liu ba organizaun ne'ebé servisu ha area Violénsia bazeia ba Jéneru.
- ● Socializa Planu Asaun Nasionál (PAN) kona-ba Violénsia Bazeia ba Jéneru ba estrutura suku iha munisipiu hotu hodi haforsa implementa asaun prevensaun tuir planu;
- ● Halo kolaborasaun ho Ministériu Edukasaun atu fó kapasitasaun kona-ba igualdade jéneru no involve estudante, juventude mane no juventude feto sira iha atividade formasaun kona ba relasaun ho respeitu hodi hasa'e koñesimentu juventude sira nian kona-ba violénsia bazeia ba jéneru (VBJ) ho ninia abut;
- ● Fó korajen ba Ministériu Justisa hodi aloka rekursu sira naton atu implementa PAN-VBJ no atu implementa lei kontra violénsia doméstika, lei nee fó perigu liu tan ba feto;

Tribunal no Polísia Nasionál Timor-Leste (PNTL) atu:

- ● Atua lalais ba kazu violénsia doméstika no mós asédiu seksuál sira liuliu kazu violénsia grave hasoru feto.
- ● Fasilita formasaun kona-ba sensibiliza jéneru ba VPU no Polísia Komunitaria;
- ● Haforsa formasaun ba membru Konsellu Polísiamentu Komunitariu (KPK) kona-ba violénsia bazeia ba jéneru
- ● Tribunal atu halo sistema monitorizasaun ne'ebé másimu ba kazu suspensaun sira se lae lei kontra violénsia doméstika fó perigu liu tan ba feto sira. Aumenta movimentu Tribunal movel hodi alkansa to'o area remota sira

Ministeriu Administrasaun ESTATAL:

- ● Fasilita formasaun kona-ba lei suku no VBJ ba estrutura suku sira iha munisipiu hotu (liu-liu kona-ba prevensaun konfliktu)
- ● Atu toma atensaun ba pratika kultura tradisionál ne'ebé la fó vantajen ba feto no kontra direitu umanu

Parseiru dezenvolvimentu internasionál no lokál ne'ebé servisu hodi suporta feto iha Timor- Leste atu fó apoiu ba atividade ne'ebé mensiona iha leten.

Atu hetan informasaun liu tan, favor asesu mós sistema online Belun nia monitorizasaun ho vizita Belun nia website foun iha www.atres.belun.tl. Nomos bele kontaktu ami, Luis Ximenes iha luis.belun@gmail.com ka nú telemovel 7723 4406 no Jestor FPS & Sistema AtReS, Marilia Oliveira da Costa iha bylah.belun@gmail.com ka nú telemovel 7727 6671.

Programa ne'e implementa tan-ba hetan suporta husi doadores

